

Ruthy Vrieswijk ta retira despues di 32 aña den scouting

Capitulo Kimball O'Hara ta celebra 20 aniversario

Skirbi pa Jan Falcone

ORANJESTAD - Ruthy Vrieswijk, conoci hopi bon na Aruba como artista, poeta

y cantante tambe tabatin otro funcion importante den e comunidad Arubano, esun di lider Scout pa hopi di e mucha



muher y mucha homber den scouting. E tabata parti di e capitulo Kimball O'Hara na Piedra Plat pa 20 aña, y riba mesun anochi cu el a oficializa su retiro, Kimball O'Hara a celebra su 20 aña di existencia.

Kimball O'Hara tabata un soldat Scoces cu curashi, hopi capacidad di sobrevivencia, motibo pa cual e capitulo a scoge como nan mentor y su number pa identifica nan. E capitulo a keda funda 20 aña pasa dor di John Hesson, docente y lider di hopi cu a crece na Aruba. John ta keto bay na bida.

Ruthy tabata hopi sentimental durante e programa cu a celebra su hopi aña den scouting, y a inclui e muchanan cantando, un presentacion teatral, y un exhibicion di potret di scouts den ceremonia y actividadnan den transcurso di añanan, como tambe algun di e pinturanan di Ruthy.

Tabatin hopi potret y recuerdo colecta y pesey mes, den exhibicion y henter e directive di scout, como tambe e muchanan di e capitulo tabata presente como anfitrión di e celebracion pa comparti un dushi bolo y coy bebe.

Padu Lampe, artista, compositor y musico tambe



tabata invita pa forma parti di e ceremonia ya cu e ta un bon amigo y mentor di Ruthy. El a canta algun di su cancionnan. Ruthy a ricibi elogio for di Minister di Cultura, Michelle Winklaar, cu tambe tabata un scout, como mucha na Canada. Minister Winklaar orguyosamente a mostra un potret di dje den uniform

di scout, expresando satisfactoriamente cu "Once a scout, always a scout!".

E anochi, cu a tuma lugar na Biblioteca Nacional Aruba, tabata un bunita manera di demostra aprecio pa Ruthy, cu semper ta cumpli cu su deber y responsabilidadnan cu amor y ta un bon ehempel pa generacionnan futuro.